



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1618. usque ad annum 1620

Fleury, Claude

August. Vind. [u.a.], 1777

VD18 90118847

§. 86. Deditiois pacta.

[urn:nbn:de:hbz:466:1-67326](https://nbn-resolving.org/urn:nbn:de:hbz:466:1-67326)

talium Legatum suum ad deditionem Sæc. XVII.
A. C. 1620.
obfessos hortabatur, his autem eundem Oratorem captum retinentibus, Elector toto armorum impetu, nec respirandi spatio indulto refractarios continuis incurfibus, & jaculationibus infestabat, ac præclusa annonæ importandæ facultate, imo ipsa etiam aqua præcisa, interceptisque, qui bellico apparatu, vitæque subsidiis onusti erant, curribus, undique uno tempore omnibus e balistis urbem quatere, & nunquam interruptis in mænia globorum, inque tecta & domicilia flammaram jaculationibus oppidanos tanto impetu urgere cæpit, ut urbis permagna pars continenti incendio in prunas & cineres subsideret, mænia in ruinam conciderent, & propugnaculum Gorlitanum & suburbium, unacum hostili aggere sub idem ferme momentum occuparetur.

§. LXXXVI.

Deditionis pacta.

Tum vero contumeliosa subsanantium tripudia in tragicos mulierum & imbellis ætatis ploratus conversa fuere: Audiebantur lamenta civium alta voce clamantium, ut Electori portæ panderentur etiam invitis præfidiariis; Civitatis

Sæc. XVII. tatis quoque Primores ex edito mæ-
 A. C. 1620. nium deditiois pacta conscribi efflagi-
 tabant, duosque ex suis, qui de con-
 ditionibus agerent, ad portam mitte-
 bant: Elector igitur ad veniam facilis,
 mox Wolfgango Mansfeldio Comiti suo
 castrorum Legato præcepit, ut urbi
 parceret, atque ab ulteriori infestatione
 abstineret: tandem vero has in leges
 conventum est. I. Captivus Gruntha-
 lius ejusque socii liberentur, interim
 vero duo Centuriones tanquam obsides
 Electori tradantur. II. Præsidarii
 cum sarcinis & armis die vigesima quinta
 Septembris educantur, Centuriones
 vero vexilla Electori tradant. III. Æ-
 groti & saucii avocentur, captivi vero
 soluto menstruo salario utrinque dimit-
 tantur. IV. Cum civibus juxta Cæ-
 saris mandatum agatur, statimque mi-
 litibus dimissis Consules Electori ob-
 viam procedant, & urbis, arcisque
 claves cum omni apparatu tradant. V.
 Denique habeant sibi salvas antiquas
 urbis immunitates. VI. Confessionis
 Augustanæ sacris inhærere pergant,
 & urbis institutis ceteris: tantisper dum
 & Cæsar ea firmaret. VII. Obsidionis
 (operosæ juxta sumptuosæque) Electo-
 ri damna suis impendiis, vel ex urbis
 ærario præstent. VIII. Saxonis de-
 mum Electoris (ceu Cæsaris tunc vices
 obeun-

obeuntis) in verba civitas, & in Imperatoris (ut sui Regis) obsequia juret. Sæc. XVII.
A. C. 1620.

His utrinque firmatis Elector Saxonicus die quinta Octobris Victor urbem ingressus est; hi vero, qui nuper petulanti clamore Saxonis insultabant, ut scurrilitatis suæ in contumeliam Victoris exercitæ pœnas luerent, in vincula coniecti, intraque mœnia retenti, pars tandem suspendio, pars gladio periere. Die autem decima tertia ejusdem Mensis Budissianus Senatus, civesque ab Electore convocati juramentum fidei exsolverunt, pariter Gerstorfiani & Rechbergiani cum pluribus aliis, Lusatiae superioris oppidis & arcibus partim armorum violentia, partim sui deditioe ad Cæsaris obsequium reducti fuere, reluctans adhuc Gorbitzianis. Dein etiam Graditsenses, Lubani, Barutenses, Sonnenwaldenses Lappates, Kubates ac denique tota Lusatia inferior sese Victoris arbitrio permisit, horum exempla tandem etiam Forstiensis sequebantur, sed non nisi post universum fere deletum urbis suæ præsidium. Hac igitur expeditione Imperator utramque Lusatiam suo obsequio, Elector autem suo imperio addictam recuperavit, utpote tertio post anno in laborum præmium, dono Cæsaris, eandem sibi familiæque habere jussus.

Sæc. XVII. jussus. Denique Marchionem Jægern-
 A. C. 1620. dorffium Lusatix Præfectum eo adegit,
 ut in Silesiam profugere cogeret.

§. LXXXVII.

*De Friderici Palatini proscriptione,
 ejusque executione deliberatum.*

*Bellus laur.
 Aust. l. 4.
 Lotich. rer.
 Germ. l. 6.
 cap. 3.
 Londorp.
 acta public.
 lib. 5.*

Postquam Fridericus Palatinus Ele-
 ctor, insuperhabitis tot ad illum
 Imperatoris, & Electorum emissis mo-
 nitibus, minisque Bohemix Regnum, an-
 nexasque Provincias non modo usurpa-
 verat, sed insuper etiam Henricum Fi-
 lium suum, ut Bohemiam suis posteris
 hæreditariam redderet, in Pragen-
 si conventiculo tanquam Regni Succes-
 sorem declarari jusserat, Imperator
 Usurpatoris contumaciam proscrip-
 tionis pœna frangere statuit, primamque
 Julii diem velut dilatæ executionis ter-
 minum præfixit: Ut autem præcipitis
 feveritatis calumniam declinaret, prius
 die prima Junii Moguntini Electoris
 sententiam rogabat, utrum e re esset,
 in proscriptionis negotio comitia Im-
 perii Ordinibus indicere, cum Saxo-
 niæ Elector absque Electorum consen-
 su hanc pœnam decernere, minus con-
 sultum censuisset: Eodem tempore
 idem Imperator misso ad Saxonem, &
 Bavarum, necnon ad Albertum Archi-
 ducem